



FINAL EXAMINATION
JULY 2022

COURSE TITLE	BAHASA KEBANGSAAN A
COURSE CODE	MPU2213
DATE/DAY	22 OCTOBER 2022 / SATURDAY
TIME/DURATION	01:00 PM - 03:00 PM / 02 Hour(s) 00 Minute(s)

INSTRUCTIONS TO CANDIDATES :

1. Please read the instruction under each section carefully.
2. Candidates are reminded not to bring into examination hall/room any form of written materials or electronic gadget except for stationery that is permitted by the Invigilator.
3. Students who are caught breaching the Examination Rules and Regulation will be charged with an academic dishonesty and if found guilty of the offence, the maximum penalty is expulsion from the University.

(This Question Paper consists of **8** Printed Pages including front page)

*****DO NOT OPEN THE QUESTION PAPER UNTIL YOU ARE TOLD TO DO SO*****

Kertas soalan ini mengandungi TIGA (3) bahagian. Jawab SEMUA soalan pada bahagian A, B dan C dan tuliskan jawapan dalam kertas jawapan yang disediakan. (50 MARKAH)

BAHAGIAN A

(10 Markah)

Baca petikan di bawah kemudian jawab soalan yang dikemukakan dengan memilih jawapan yang paling tepat.

Pepatah “biar lambat asalkan selamat” dianggap sudah usang dan lapuk tetapi terimalah padahnya jika kita mengingkarinya. Mesej pepatah ini jelas, iaitu sikap tergesa-gesa di jalan raya pasti mengundang malapetaka. Saban tahun, kempen diadakan untuk memperingatkan pemandu supaya berhati-hati di jalan raya. Namun demikian, kesan optimum yang diharapkan tidak tercapai. “Jalan-jalan maut” yang disenaraikan oleh polis trafik dianggap suatu momokan sahaja.

Menurut kajian, kemalangan jalan raya berpunca daripada pemandu kenderaan sendiri, iaitu 33.16 peratus akibat kecuaiannya dan 10.87 peratus akibat memandu secara laju dan berbahaya. Kesihatan pemandu yang kurang memuaskan dan pelanggaran undang-undang lalu lintas juga menyebabkan kemalangan. Kemalangan juga berpunca daripada aspek teknikal dan keadaan cuaca yang buruk. Namun demikian, ada kajian yang menunjukkan bahawa 92 peratus kemalangan berlaku dalam keadaan cuaca baik. Sesuatu yang jelas di sini ialah sikap rakus dan tergesa-gesa pengguna jalan raya akan mengakibatkan kecederaan dan kematian di jalan raya. Sewaktu kempen, pemandu lebih berhati-hati tetapi selepas kempen, jalan raya terus dijadikan “gelanggang maut”. Sikap mereka menunjukkan bahawa undang-undang lalu lintas yang wujud seolah-olah tidak dihormati, apatah lagi dipatuhi.

Mungkin patut kita berbalik kepada prinsip “melentur buluh biar daripada rebungunya”, iaitu melihat peranan sekolah dalam mengeksploitasi peraturan jalan raya secara positif. Disiplin ini diharap akan meresap ke dalam hati pemandu supaya mereka akan menjadi pemandu yang bertata tertib. Kalau tidak mahu menghargai nyawa sendiri, sekurang-kurangnya hargailah nyawa orang lain. Tanpa didikan seperti ini, rangkaian jalan raya kita hanya akan dikuasai oleh pemandu-pemandu yang “mabuk tanpa mengambil alkohol”. Mereka menjadi angkuh, gelojoh, lalai dan tidak sayang akan nyawa.

Untuk menghapuskan kemalangan sama sekali atau “kemalangan sifar” mungkin mustahil. Antara langkah mencegah kemalangan termasuklah dengan memperhebat pencegahan perlumbaan haram, memasang perangkap laju (AES) dan mengadakan rondaan di tempat-tempat yang dikenal pasti berbahaya serta kerap berlaku kemalangan. Dengan purata enam orang maut, 200 orang cedera dan 300 buah kenderaan rosak setiap hari, korban akibat kemalangan jalan raya lebih tinggi daripada korban akibat peperangan atau penyakit serius.

Nyawa pemandu kenderaan terus terancam selagi kenderaan tidak diselenggarakan dengan baik. Kenderaan harus kerap diservis untuk memastikan bahagian-bahagian seperti enjin, brek, gear, tayar dan lampu isyarat berada dalam

keadaan yang baik. Sekolah-sekolah memandu perlu mengingatkan dan menyedarkan pemandu pelatih tentang pentingnya sikap berhemah dan bertanggungjawab di jalan raya. Sikap pemandu pelatih hanya berhajat untuk lulus dan mendapat lesen patut dihapuskan. Status pemilikan lesen memandu seharusnya merangkumi kemahiran mengendalikan kenderaan dan bersepadu dengan ciri-ciri kemanusiaan yang tinggi. Langkah Jabatan Pengangkutan Jalan (JPJ) mengadakan tempoh percubaan selama dua tahun bagi calon pemegang lesen memandu amat dialu-alukan. Tempoh penilaian ini penting bagi memastikan hanya pemandu yang benar-benar berkualiti dibenarkan mengendalikan kenderaan di jalan raya.

1. Berdasarkan petikan, pengguna jalan raya bersikap _____

- I mementingkan diri sendiri
- II mementingkan kesempurnaan jalan
- III mementingkan kepuasan
- IV mementingkan kesempurnaan enjin kenderaan

- A I dan II
- B I dan III
- C II dan IV
- D III dan IV

2. Amalan seperti maksud "biar lambat asalkan selamat" patut diteruskan sebagai _____

- A petunjuk
- B renungan
- C bimbingan
- D peringatan

3. Antara yang berikut, yang manakah pernyataan yang membawa kesan positif terhadap perisytiharan "jalan-jalan maut"?

- I Meningkatkan kesedaran pemandu
- II Mengurangkan kemusnahan harta benda
- III Mengurangkan keyakinan semasa memandu
- IV Mengurangkan tekanan perasaan terhadap pemandu

- A I dan II
- B I dan IV
- C II dan III
- D III dan IV

4. Perenggan ketiga petikan memberikan gambaran bahawa _____.

- I undang-undang lalu lintas tidak dipraktikkan
- II pendidikan pemandu berhempah perlu ditekankan
- III undang-undang hanya dipatuhi untuk mendapatkan lesen
- IV usaha pencegahan kemalangan merupakan tanggungjawab pihak polis

- A I dan II
- B I dan III
- C II dan III
- D II dan IV

5. Punca utama kemalangan jalan raya ialah _____.

- A cuaca yang buruk
- B kecuaiian pemandu
- C kerosakan enjin kereta
- D keadaan jalan raya tidak sempurna

6. Bahasa Melayu yang tergolong dalam cabang Nusantara termasuk dalam keluarga _____.

- A Polinesia
- B Melanesia
- C Austroasia
- D Austronesia

7. Kenyataan yang manakah betul mengenai tatabahasa bahasa Melayu?

- A Kata tunggal menerima imbuhan untuk menghasilkan kata terbitan.
- B Kata terbitan dihasilkan melalui proses merangkaikan dua kata.
- C Kata majmuk ialah kata yang mengalami pengulangan kata dasar.
- D Kata ganda penuh mengalami sebahagian pengulangan kata dasar.

8. Ayat yang manakah menunjukkan penggunaan kesantunan berbahasa yang betul?

- A Ali sedang kencing di dalam tandas.
- B Halimah sudah berbadan dua.
- C "Kamu sangat baik" kata Kim Sew kepada cikgunya.
- D "Dia dianugerahkan pangkat sebagai profesor semalam" kata Bashir kepada Ahmad.

9. Ayat yang manakah menunjukkan penggunaan kata hubung yang betul?

- A Dia bukan sahaja rajin lalu baik orangnya.
- B Saya atau dia yang kamu mahu?
- C Kakak saya mendapat pujian sebab kerajinannya.
- D Kamal dan Faiz dan Fahmi bersahabat baik.

10. Antara yang berikut, perkataan yang manakah berpola KV+KV+KVK?

- I Belukar
 - II Masalah
 - III Senangin
 - IV Sempurna
-
- A I dan II
 - B I dan IV
 - C II dan III
 - D II dan IV

BAHAGIAN B

(10 Markah)

Jawab betul atau salah mengenai pernyataan di bawah.

	Pernyataan	Jawapan
1.	Salah satu hujahan mengenai asal usul bahasa Melayu di Kepulauan Melayu ialah penemuan kapak kuno.	
2.	Bahasa Melayu kuno mempunyai awalan mar- dan ni-.	
3.	Bahasa Melayu terletak di dalam bahasa Austronesia iaitu dalam keluarga Polinesia.	
4.	Walaupun Malaysia memiliki kepelbagaian bahasa, namun bahasa Melayu telah dijadikan bahasa kebangsaan disebabkan oleh bahasa yang paling banyak digunakan untuk perhubungan antara satu sama lain.	
5.	Perkara 152 Perlembagaan Malaysia memperuntukkan bahasa Melayu sebagai bahasa kedua terpenting dan bahasa Inggeris telah menjadi bahasa kebangsaan dan bahasa rasmi negara.	
6.	Simpulan bahasa ialah gabungan perkataan menghasilkan makna yang sama dan tidak berubah.	

7.	<i>Yang Arif dan Yang Berhormat</i> merupakan kata panggilan yang diungkapkan dengan penuh sopan kepada hakim dan wakil rakyat.	
8.	' <i>Anak itu sihat</i> ' merupakan contoh pola ayat frasa nama dan frasa kerja.	
9.	' <i>Nelayan-nelayan yang menangkap ikan di Pantai Timur selalunya tidak dapat turun ke laut pada musim tengkujuh</i> ' merupakan ayat yang tidak gramatis.	
10	Klausa ialah unit tatabahasa yang terkecil yang boleh berdiri sendiri.	

BAHAGIAN C

(30 Markah)

Jawab **SEMUA** soalan yang berikut.

1. Cerpen bermaksud cerita pendek manakala penulisan cerpen pula mengandungi plot, tema, nilai, teknik atau kaedah menulis cerpen yang berbeza dengan penulisan sebuah novel.
 - a) Apakah yang dimaksudkan dengan plot dan tema dalam cerpen? (2 markah)
 - b) Terangkan **TIGA (3)** teknik yang boleh digunakan untuk menulis cerpen yang berkesan. (3 markah)
2. Tuliskan satu bentuk perenggan isi rencana yang bertajuk 'kebaikan menguruskan masa dengan bijak'. (5 markah)
3. Tuliskan **SATU (1)** perenggan pendahuluan sebuah syarahan yang baik. (5 markah)

4. Lengkapkan penulisan surat rasmi yang berikut.

(5 markah)

Kepada,

Encik Hamdan Kassim
Bahagian Sumber Manusia,
Syarikat Penerbitan Pen dan Buku,
69000 Genting Highlands.
Pahang Darul Makmur.

14 _____ 2022.

Berhubung dengan perkara di atas, saya ingin memohon pekerjaan di syarikat tuan. Saya mempunyai pengalaman bekerja selama lima tahun sebagai penyunting buku bahasa Melayu. Selain itu, saya juga mempunyai kelulusan di dalam bidang pengajian bahasa Melayu dari Universiti Malaya.

2. Selain itu, saya juga ada melampirkan salinan biodata diri dan salinan sijil akademik untuk diteliti oleh pihak tuan. Saya berbesar hati sekiranya saya diberikan peluang untuk menghadiri temu duga dan segala maklum balas, pihak tuan boleh menghubungi saya di talian 017-2233656 ataupun melalui alamat emel saya iaitu senimanbujang@gmail.com.

Sekian, terima kasih.

Yang benar,

(_____)

5. Lengkapkan jadual yang berikut.

(5 markah)

	Unsur tatabahasa	Contoh ayat
1	Ayat tunggal	
2		Sepupu saya seorang doktor pakar bedah.
3	Frasa nama + frasa adjektif	
4		Ibu sedang tersenyum pada adik.
5.	Ayat yang mengandungi kata ganda berimbuhan	

6. Bagaimanakah anda menjelaskan makna kata *kecil* yang digunakan dalam ayat-ayat yang berikut? (5 markah)

- Dia paling *kecil* dalam keluarganya.
- Jalan *kecil* itu tidak boleh dilalui oleh kenderaan yang berat.
- Koleksi barang peribadinya itu tidak muat untuk disimpan di dalam almari *kecil* itu.
- Ada beberapa masalah *kecil* yang perlu diselesaikan sebelum pelan itu diluluskan.
- Perkara-perkara *kecil* tidak dibincangkan dalam mesyuarat itu.

*** KERTAS PEPERIKSAAN TAMAT***